

予緣是得目送及其未滅而視彷彿也皆如其言橋下無一柱從兩岸累鉅材架起上者必出下者外尺許愈累愈出以得相近而橋之誠神造也崖光滑無縫罅如削立然土人云崖腹有釜神蛇穴焉歲旱民聚汲竭其釜中水蛇見則雨鷺問何以得至釜處迺云土人生于土長于水雖束其手足投橋下不死聞者皆吐舌又問崖石如無縫豈苔滑使然歟云連一驛百家在一片石上則是川亦一大石渠耳益駭異聞遂宿于驛

〔甲斐國志百二十附錄〕猿橋五奇卑藩野氏之子

物茂卿

予過猿橋驛驛西有橋長十丈高六十六尋無有橋柱兩岸悉鉅材架起相傳昔有猿王剝造誠國中之奇觀也○下

〔甲斐國志百二十附錄〕我大日本橋梁之奇巧者三防之寬橋岐岨之懸橋峽之猿橋是已峽也者山岳之所列峙峻巖櫛比遑々斗絕不可徑矣比諸蜀門陳倉之隘不易上焉在昔方永祿天正之間武田氏負險城峽其耽々關以東諸傑驚者有以夫傳曰洪荒之間有猿王跳而抱葛藟攀緣過斷崖古之智者視而傲是偃巨木於兩崖重以架澗結構成橋人蹟始通矣也爾來工人範之製亦因加焉猿之神工之智天工之代至今鎮臺士女雉兔芻蕘及行商之通有亡者亡不皆臻焉峽之土墮厥田中厥賦上宜稻梁厥山出金厥婦女善蠶織厥菓梨橘柚柿栗亡海運凡百物貨馱而出之厥利巨々萬峽民之爲生惟其猿橋是賴或曰昔者推古帝時百濟人志羅呼者適來過于此見猿王緣藤蔓而涉於是乎剝造橋也未知孰是蓋觀轉蓬而製車見浮葉而爲舟古之智者皆爾余嘗聞之峽人猿橋之壑而絕桂川不盡篠子葛川諸水會同于此深而迅不可測矣橋凡廣丈餘袤二十餘步不柱如復道厥製甚妙橋下四十有仞而後有水雲霧杳冥故俯臨者眩不克正視也是則峽之奇觀焉已石夷庚字由之世峽人而好文辭乃以狀謁余曰峽吾父母之國也每夢寐厥山川意斯猿橋而毋誌孰知厥所由且夫古之人利物成功恬乎亡聞邪奇事夫有沒邪請得子之文以傳諸不朽也則立碑於猿橋心月寺境蓋顯父母之國也余辭不